

Staatâräädi kanslia viestâdemuásádáh
Tiäđättâs 559/2018
26.11.2018

Sämmilij aššijd kyeskee sovâdättâmproosees

Kuullâmraapoort lii almostittum

Suomâ haldättâs lii algättâm roovvâdmáánust 2017 sämmilij aššijd kyeskee sovâdättâmproosees valmâštállâm. lävtuttâs proosees aalgâtmist (tuotâvuotâ- já sovâdättâm aalgâtmist) lii puáttâm sämitiggeest. Valmâštállâm uáassin uárnejui vijđes kuullâm pirrâ Säämi já Suomâ stuárrámuin kaavpugijn 2.5.2018 – 29.6.2018. Savâstállâmtilálâšvuodâin poođij oovdân, ete aalgâalmug sämmiliih aneh tuotâvuotâ- já sovâdättâmproosees šiev juurdân, mutâ sist lii noonâ epiluáttámuš ton iähtun, ete Suomâ staatâ ličij seelvâtmin sämmilijd kyeskee puástuvuodâid putes váimoin.

Kulâmij tárguttâssân lâi selvâttiđ, maid sämmiliih jurdeh sovâdättâmprosessist. Tilálâšvuodâin savâstállii meid eromášávt tast, magarijd aášijd máhđulâš komissio kolgâččij tutkáđ já maggaar komissaarijd – komissio njunošulmuid – aalgâalmug sämmiliijn ličij luáttámuš.

Kuullâmtilálâšvuodâh lijjii ohtâ uássi sovâdättâmproosees valmâštálmist. Tilálâšvuodâin čuákkejum kuullâmraporttist äáših puáhtojeh oovdân tego toh puáhtojii oovdân tilálâšvuodâin. Kuullâmraporttist materiaal lii tilálâšvuodâid uásálistâm ulmui nomáittáá. Raapoort lii almostittum viidâ kielân (tavesämi-, anarâš- já nuorttâlâškielâ, suomâkielâ já ruotâkielâ). Engâlâškielâlâš raapoort almostittoo juovlâmáánust 2018.

Staatâräädi kanslia já vuoigâdvuotâministeriö ohtsâšpargoost Suomâ sämitiggijn láá kuoráttâlmin, maht sovâdättâmproosees (komissio) kolgâččij asâttiđ já maggaar jieš prosessist västideijee jiešráđâlâš komissio pargo kolgâččij leđe já maht valjid komissaarijd.

Sovâdättâmproosees, mon Suomâst tääl valmâšteleh, vuáđuduvá almugijkoskâsii tuotâvuotâ- já sovâdättâmkomissioinstitution, mii lii šoddâm 1970-lovvoost. Almugijkoskâsávt tuotâvuotâ- já sovâdättâmkomission (truth and reconciliation commission) kočodeh prosessijd, main selvâtteh historjást tábáhtum kollektiivlijd puástuvuodâid. Tárguttâssân tain seelvâtmijn (tuotâvuotâ) lii estiđ sullâsâš puástuvuodâid innig tábáhtuumist puátteevuodâst (sovâdättâm).

[Sämmilij aššijd kyeskee sovâdättâmproosees –kuullâmraapoort](#)

[Lasetiäđuh sämmilij tuotâvuotâ- já sovâdättâmproosees valmâštálmist](#)

Lasetiäđuh: Ánneristen Juuso, spesiaalâššitobdee, Staatâräädi kanslia